

**44avla radunonza generala dil Selvaclub Sagogn  
vendergis, 6. d'october 2017, aula, casa da scola**

**Perstgisas:** Yvonne Kobler, Sandy Peng, Chr. Buchli, Thierry Littmann, Sepi Cavelti  
Regula Camathias, Sandra & Arno Tschuor

**Presents:** 24 personas (tenor gliesta)

- Tractandas:**
1. Beinvegni
  2. Elecziun dumbravuschs
  3. Protocol radunonza generala 2015
  4. Rapports annuals
    - a) dil president
    - b) dils caus Giuventetgna + Sport (Patric Caderas, Janic Camathias)
  5. Rendaquen
  6. Rapport dils revisurs ed approbaziun dil quen
  7. Producir neiv artificiala
  8. Preventiv 2016/2017
  9. Contribuziun annuala
  10. Elecziun d'in niev president
  11. Program da lavur 2017/18
  12. Orientaziuns e varia

**1. Beinvegni**

Il president partent Lucien Stern beneventa tut ils presents.

El menziuna che la radunonza seigi stada publicada 2 gadas el Fegl Ufficial ed ella Ruinaulta.

**2. Elecziun dumbravuschs**

Vanessa Panier vegn elegida sco dumbravuschs.

**3. Protocol radunonza generala 2016**

Il protocol han ins saviu leger silla pagina dil Selvaclub ed ei staus a disposiziun da prender envesta ina mes'ura avon la radunonza. El vegn buca pli prelegius.

Il protocol vegn approbaus unanimamein.

**4. Rapport annual**

**a) dil president**

Il presient lai aunc ina gada repassar en patratgs gl'unviern vargau: La situaziun da neiv ei era stada 2016/17 precara. Rodund 3 jamnas havein nus saviu far menaschi d'unviern sil Plaun a Sagogn. Era la Tegia ei stada aviarta duront quei temps (10.1.-30.1.17). La cuorsa EnergiAlpina

havein nus saviu menar tras ils 21.1.2017. La Tegia veglia ha anflau in niev possesur grazia allas stentas da Kevin Camathias (giu dil plaz per frs. 100.--).

Nossa JO ha dumbrau gl'unviern vargau varga 37 affons (avon ca. 10 onns il maximum da 43 affons!). Cun quei diember da curridders giuvens ei nies club il grond en Surselva! Che tonts affons fan part egl JO ei il meret da nos super trenaders! Els sesprovan adina da porscher in trenament variont e legher, denton tuttina era pretensius. In cordial engraziament a tuts trenaders per lur grond engaschi a favur dils affons.

Era in grond engraziment als geniturs pil grond sustegn, al fidau preparader dils skis Sepi, al coach da G+S Roman, a Martin Bundi per tgirar la homepage, a tut ils gidonters ed als consuprastonts per la buna collaboraziun.

### **b) Rapport dils caus G + S, Patric Caderas e Janic Camathias**

La sesiun 2016/17 ha entschiet ils 24 da settember 2016 cun 34 affons e 5 trenaders.

En tut han giu liug 41 trenaments ed il club ei separticipaus a 6 cuorsas. Era als gis da G+S a Spligia ei il Selvaclub staus representaus cun 16 affons. Il trenament en halla vegn da niev fatgs en 2 gruppas. Quei ei ina buna causa ch'ei secumprovada.

Alla fin engrazia Patric al coach Roman, als ulteriurs trenaders, alla suprastonza ed en special a tuts geniturs ch'ei segidai cun transports, etc. durant gl'unviern vargau.

### **5. Rendaquen**

Il cassier René Wellinger declara il quen annual 2016/17. La facultad dil Selvaclub munta ils 30-9-2017 a frs. 59'695.30. Malgrad las schliatas relaziuns da neiv sa il club nudar in gudogn da frs. 3'371.10. Quei ei legreivel.

### **6. Rapport dils revisurs**

Ils revisurs Enrico Arpagaus e Hans Niederberger han constatau che tut las quittanzas ein avon maun e che la contabilitad vegn menada schuber e bein. Hans engrazia a René per la buna lavur prestada. Il quen vegn approbaus unanimamein.

### **7. Project da producir neiv unviern 17/18**

La vischnaunca ha mess a disposiziun ina presentaziun da powerpoint per quella tractanda. La firma Montalta, Transporte, Ilanz/Glion vul lantschar ina «Snowfactory» ella cava da glera a Schnaus. Quei seigi in liug ideal (temperatura, canera, infrastruttura, plaz). Per il mument dat ei 4 interessents (Falera, Laax, WAG scola da skis, Sagogn). Per Sagogn eisi quintau ca. 1'100 m<sup>3</sup> neiv. per ina loipa 500m liunga, 6m lada e ca. 30 cm aulta. Cuosts: Il daner da tschep ei fixaus sin frs. 5'000.—. Per Sagogn vegnan ils cuosts annuals a muntar ca. 11'187.--. La vischnaunca surpren frs. 10'000.--, Sagogn turissem frs. 2'500.— ed il Selvaclub frs. 1'500.--. La loipa duei esser semtgada sin Nadal 2017. Il president arva la discussiun. Suentar entgins votums meina il president alla votaziun: Ils presents ein unanim persunter da far part da quell'emprova e pagar frs. 1'500.--.

### **8. Preventiv 2017/18**

Per la proxima stagiun quenta il cassier cun ina sperdita da 11'200.-- damai ch'il club vul cuprar nova vestgadira da cuorsa liunga pils affons dad JO.

Lucien engrazia a nies premurau cassier René per sia grondiusa lavur.

### **9. Contribuziun annuala**

La contribuziun annuala pils commembers resta sco tochen ussa sin frs. 40.—.

Ils commembers dil SST pagan naven da 18 onns la contribuziun da frs. 140.— (analog comembers A) e negina contribuziun pli egl JO.

### **10. Elecziun d'in niev president**

Negin sedeclara prompts. Enrico Arpagaus semetta a disposiziun d' encurir activamein ina persuna adattada per quei post entochen la fin november 2017.

## **11. Program da lavur 2017/18**

drizzar en pil menaschi d'unviern	18-11-2017
Test da skis	06-01-2018
Gi da fuffergnadi cuorsa liunga	07-01-2018
Cuorsa EnergiAlpina Cup a Sagogn	20-01-2018
Fiasta da neiv	04-02-2018 ????

Amanda fa in appell ch'ella drovi gidontras/gidonters ella Tegia surtut so/du!

## **12. Orientaziuns e varia**

Igl ei puspei previu d' illuminar la loipa il margis e la gievgia, mintgamai dallas 18.00-21.00 s (cun tualetta publica aviarta).

Ils affons digl JO pagan niev ina contribuziun annuala da frs. 120.— incl. vestgadira e daners da partenza.

Gis da G+S 2019 a Sagogn? Suenter discussiun ed ina votaziun consultativa, claramain NA.

Igl SST ha munconza d'atlets perquei fan els 2017/18 acziuns da trenaments comunabels per dar la pusseivladad da fuffergnar als affons digl JO. Dil Selvaclub Sagogn ei actualmein mo aunc Chiara Arpagaus egl SST.

Harald pren il plaid ed engrazia en num dil Selvaclub a Lucien per la buna lavur prestada. El surdat in pign present.

Allas 21.40 siara Lucien la radunonza. El engrazia a tuts presents per l' atenziun ed envida da star aunc in mument da cumpignia.

Sagogn ils, 13 d'october 2017

L'actuara  
Amanda Beeli